

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 884744 21 I Kom
Sarajevo, 07.04.2023. godine

Općinski sud u Sarajevu, sudija Janja Jovanović, u izvršnom postupku tražitelja izvršenja mldb. XY i mldb. XZ, zastupani po zakonskoj zastupnici majci N.S., iz Vogošće, svi zastupani po Nedimu Muhić, advokatu iz Sarajeva protiv izvršenika A.S. iz Sarajeva, koga zastupa Emina Bottonjić, advokat iz Sarajeva, radi izvršenja izdržavanja, v.sp. 12.500,00 KM, na osnovu člana 126. i 130., a u vezi sa članovima 135., 82., 87., 88. i 89. Zakona o izvršnom postupku /»Sl. Novine FBiH« broj 32/03 od 18.07.2003. godine/, van ročišta dana 07.04.2023. godine, donio je

Z A K L J U Č A K **o prodaji pokretnih stvari**

ODREĐUJE SE DRUGO ROČIŠTE za prodaju pokretnih stvari - putničkog motornog vozila vlasništvo izvršenika A.S., a koje se nalazi na adresi ulica Ive Andrića broj 5, Sarajevo putem usmenog i javnog nadmetanja i to:

1. Putničko motorno vozilo marke Volkswagen 3c Passat 2.0 TDI, vrsta motora dizel euro 4, godina proizvodnje 2006. reg. oznake E 25 M 301, broj šasije WWWZZZ3CZ79000049, procijenjena vrijednost 7.900,00 KM.

ZA DAN PETAK 12.05.2023. GODINE U 09:00 SATI

koje će se održati u zgradi Općinskog Suda u Sarajevu ul. Šenoina br. 1, kancelarija broj 454/IV – Služba sudskih izvršitelja.

1. Rješenjem o izvršenju Općinskog suda u Sarajevu broj 65 0 I 884744 21 I Kom od dana 15.04.2021. godine određeno je izvršenje pljenidbom, procjenom i prodajom pokretnih stvari izvršenika.

2. Konstatuje se da je sudski izvršitelj obavio pljenidbu putničkog motornog vozila navedenog u tački 1. dispozitiva, o čemu je sastavljen Zapisnik od 30.06.2022. godine. Putničko motorno vozilo je ostavljeno na čuvanje izvršeniku.

Sudski vještak mašinske struke Safet Pašić – je procijenio vrijednost navedenog putničkog motornog vozila, na iznos od 7.900,00 KM o čemu je sačinio nalaz i mišljenje od dana 07.07.2022. godine.

3. Ročište za javno nadmetanje održat će se i kad prisustvuje samo jedan ponuđač, a Sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4. Sud će u smislu člana 77 ZIP-a, a u vezi sa članom 135 ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi 8 dana prije održavanja ročišta.

5. Na drugom ročištu za prodaju pokretnih stvari putem usmenog i javnog nadmetanja, pokretne stvari se mogu prodati bez ograničenja u pogledu iznosa njihove cijene.

7. Ponuđač sa najvećom ponudom je dužan platiti cijenu za pokretnu stvar odmah nakon objavljivanja rezultata.

Ukoliko se pokretne stvari ne uspiju prodati na drugom ročištu putem usmenog javnog nadmetanja, Sud će obustaviti postupak.

8. Na javnom nadmetanju kao kupci mogu učestvovati samo osobe koje su predhodno položile osiguranje koje iznosi 1/10 /jedna desetina/ određene vrijednosti pokretnih stvari koje se žele kupiti, s tim da iznos osiguranja ne može preći iznos od 10.000,00 KM

9. Osiguranje se uplaćuje na depozitni račun Općinskog suda u Sarajevu broj 1411965320009639 otvoren kod BBI BANKE, sa naznakom broja predmeta. Ponuđačima čija ponuda ne bude prihvaćena, osim za tri najbolja ponudioca, vratit će se položeno osiguranje odmah nakon zaključenja javnog nadmetanja. Tražilac izvršenja je oslobođen od plaćanja osiguranja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

SUDIJA

Janja Jovanović, s.r.

POUKA: Protiv ovog zaključka nije dozvoljen pravni lijek.